



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-06-15-27218/26
Sarajevo, 28.05.2026. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", br. 17/25 i 18/26), a u skladu sa Odlukom o usvajanju Godišnjeg plana provođenja Programa razvoja male privrede za 2026. godinu, broj: 02-04-22645-35/26 od 30.04.2026. koja je donesena na 126. sjednici Vlade Kantona Sarajevo održanoj 30.04.2026. godine, Ministarstvo privrede Kantona Sarajevo objavljuje

JAVNI POZIV

za dostavljanje prijave po programu: "Poticaj direktnih stranih ulaganja - Podrška za osnivanje pravnog lica čiji je osnivač strani ulagač"

I PREDMET POZIVA

Predmet ovog Javnog poziva je dodjela finansijske podrške za osnivanje pravnog lica - društva sa ograničenom odgovornošću sa sjedištem u Kantonu Sarajevo čiji je većinski osnivač strano pravno lice koje nema registrovano poslovanje u Bosni i Hercegovini i dodjela finansijske podrške za subjekte male privrede - društva sa ograničenom odgovornošću sa sjedištem u Kantonu Sarajevo koji su registrovani u periodu od 01.01.2026. godine do dana podnošenja prijave na Javni poziv, a koji imaju većinski udio stranog ulagača u smislu ovog Javnog poziva.

U svrhu učešća na ovom Javnom pozivu naprijed navedena pravna lica moraju ispunjavati uslove za svrstavanje u kategoriju subjekta male privrede prema definiciji subjekata male privrede iz ovog Poglavlja, odnosno prema definiciji subjekata male privrede iz Zakona o poticaju razvoja male privrede ("Službene novine Kantona Sarajevo", broj 29/15) (u daljnjem tekstu: Zakon), kako slijedi:

Definicija subjekata male privrede

Malu privredu čine subjekti male privrede, fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, uključujući samozapošljavanje i porodične poslove povezane s obrtom i drugim djelatnostima, registrovani kod nadležnog organa, bez obzira na oblik organizovanja i koji:

- a. su samostalni u poslovanju,
- b. zapošljavaju prosječno godišnje manje od 250 lica i
- c. ostvaruju godišnji prihod manji od 97.500.000,00 konvertibilnih maraka i/ili čiji je bilans stanja manji od 84.000.000,00 konvertibilnih maraka.

Samostalnost u poslovanju postoji:

- a) ako druga fizička ili pravna lica koja ne ispunjavaju uslove za svrstavanje u kategoriju subjekata male privrede pojedinačno ili zajednički, nisu vlasnici kapitala ili ne učestvuju u pravu odlučivanja više od 25% u subjektu male privrede,



- b) ako je prekoračen udio od 25%, ukoliko udio u vlasništvu ili u pravu odlučivanja u subjektu male privrede ima investicioni fond ili javni sektor, pod uslovom da njihov udio u kapitalu ili u pravu odlučivanja pojedinačno ili zajednički nije veći od 50% i
- c) ako raspored udjela u vlasništvu subjekta male privrede nije moguće utvrditi te se, na osnovu posebne izjave istog, može opravdano pretpostaviti da druga fizička ili pravna lica iz tačaka a) i b) ove definicije samostalnosti u poslovanju, ne prelaze ograničenja uslova samostalnosti u poslovanju subjekata male privrede iz tačke a) i b) ove definicije.

II DJELATNOSTI OBUHVAĆENE POZIVOM

Tabela 1. Popis registrovanih osnovnih djelatnosti obuhvaćenih Javnim pozivom

Popis registrovanih osnovnih djelatnosti obuhvaćenih Javnim pozivom		
Područje prema KD BiH 2010	Naziv područja prema KD BiH 2010	Obuhvaćene šifre djelatnosti iz područja prema KD BiH 2010
C	Prerađivačka industrija	(10.11-10.92), 11.07, (13.10-18.20), (20.11-25.30) i (25.50-33.20)
D	Proizvodnja i snabdijevanje električnom energijom, plinom, parom i klimatizacija	35.11
E	Opskrba vodom; uklanjanje otpadnih voda, gospodarenje otpadom te sanacije okoliša	38.11, 38.12, 38.21, 38.22, 38.31 i 38.32
F	Gradevinarstvo	(41.10-43.99)
G	Trgovina na veliko i na malo; Popravak motornih vozila i motocikala	45.20
H	Prevoz i skladištenje	49.31, 49.39, 49.41, 49.42, 52.10, 52.21, 52.23, 52.24 i 52.29
I	Djelatnosti pružanja smještaja te pripreme i usluživanja hrane	(55.10-56.29)
J	Informacije i komunikacije	(58.11-63.99)
M	Stručne, znanstvene i tehničke djelatnosti	(69.10-75.00)
N	Administrativne i pomoćne uslužne djelatnosti	(79.11-79.90), (81.21-81.30), 82.11 i 82.20
P	Obrazovanje	85.10 i (85.51-85.60)
Q	Djelatnosti zdravstvene zaštite i socijalne skrbi	(86.21-88.99)



S	Ostale uslužne djelatnosti	(95.11-96.04)
---	----------------------------	---------------

III PRAVO UČEŠĆA

Po ovom Javnom pozivu, pravo učešća u postupku dodjele poticajnih finansijskih sredstava ima strano pravno lice koje nema registrovano poslovanje u Bosni i Hercegovini, posluje minimalno dvije godine do dana 31.12.2025. godine, posjeduje pisani dokaz izdat od strane banke o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana, ispunjava uslove za svrstavanje u kategoriju subjekata male privrede kako je to propisano članom 3. Zakona (u daljnjem tekstu: strani ulagač) i ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana.

Pravo učešća na Javnom pozivu ima i subjekt male privrede sa sjedištem na području Kantona Sarajevo koji je registrovan u periodu od 01.01.2026. godine do dana podnošenja prijave na ovaj Javni poziv, ima većinski udio stranog ulagača u smislu ovog programa i ima kvalitetnu biznis ideju koja je kroz proces cjelovitog biznis planiranja razvijena u perspektivan biznis model predočen u formi biznis plana (u daljnjem tekstu: subjekt male privrede).

IV IZNOS SREDSTAVA

Ukupan planirani iznos sredstava (limit): Ukupan planirani iznos sredstava (limit) za poticaj prihvatljivih troškova po ovom Javnom pozivu je **300.000,00 KM**, a ova finansijska sredstva utvrđena su u Budžetu Kantona Sarajevo za 2026. godinu, na poziciji "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu provođenja Programa razvoja male privrede za 2026. godinu broj: broj: 02-04-22645-35.1/26 od 30.04.2026. godine (u daljnjem tekstu: Godišnji plan).

Maksimalni iznos poticajnih sredstava po pojedinačnom korisniku: Maksimalni iznos poticajnih sredstava po pojedinačnom korisniku je 100.000,00 KM za prihvatljive troškove iz Poglavlja V ovog Javnog poziva.

V PRIHVATLJIVI I NEPRIHVATLJIVI TROŠKOVI

Prihvatljivi troškovi koji su predmet poticaja po ovom Javnom pozivu su troškovi direktno i/ili indirektno neophodni za obavljanje osnovne djelatnosti pravnog lica sa većinskim udjelom stranog ulagača, a odnose se na:

- 1) kupovinu mašina, alata, opreme i tehnike, a koja nije starija od deset godina,
- 2) digitalizaciju poslovanja (što uključuje troškove izrade integralnog informacionog sistema, web hosting, business e-mail hosting, korporativne informativne web stranice, izradu webshop platformi, razvoj mobilnih aplikacija, i sl.) i
- 3) jačanje konkurentnosti kroz uvođenje sistema međunarodnih standarda kvalitete, odnosno angažman registrovanih institucija za pružanje odgovarajućih konsultantskih usluga i edukacije za certificiranje sistema i certificiranje proizvoda (CE oznaka) i sticanje prava ili obnavljanje upotrebe: ISO, HACCP, HALAL i drugih međunarodnih standarda.

Napomena 1: Za predmete nabavke iz tačaka 1), 2) i 3) ovog Poglavlja dobavljač mora biti poslovni subjekt koji je registrovan i obavlja odnosnu djelatnost u skladu sa zakonskim propisima.

Napomena 2: Poticajna sredstva može koristiti samo novoosnovano pravno lice sa sjedištem u Kantonu Sarajevo u kojem većinski udio ima podnosilac prijave – strani ulagač koji bude odabran kao korisnik sredstava po ovom Javnom pozivu i to samo za one prihvatljive troškove koji su nastali i plaćeni nakon objave Obavještenja o ovom Javnom pozivu u "Službenim novinama Kantona Sarajevo".



Poticajna sredstva za prihvatljive troškove može koristiti i odabrani već registrovani subjekt male privrede sa većinskim udjelom stranog ulagača koji ima sjedište na području Kantona Sarajevo i to samo za one prihvatljive troškove koji su nastali i plaćeni nakon objave Obavještenja o ovom Javnom pozivu u "Službenim novinama Kantona Sarajevo".

Neprihvatljivi troškovi: kupovina zemljišta, stana/kuće, vanjski građevinski radovi i nabavka i najam svake vrste motornog vozila, osim nabavke teretnog vozila i radne mašine registrovanih na korisnika sredstava, vanjski građevinski radovi, troškovi električne energije, vode i drugi komunalni troškovi, troškovi repromaterijala, troškovi nabavke mobilnog telefona, te svi ostali troškovi koji nisu navedeni kao prihvatljivi.

VI PRAVILA UČEŠĆA ZA PRAVNO LICE – STRANI ULAGAČ

Pravo na učešće u postupku dodjele poticajnih sredstava po ovom Javnom pozivu ima strano pravno lice koje nema registrovano poslovanje u BiH - strani ulagač ako podnese prijavu na ovaj Javni poziv i:

- 1) ako posluje minimalno dvije godine do dana 31.12.2025. godine,
- 2) ako ispunjava uslove za svrstavanje u kategoriju subjekata male privrede prema definiciji subjekata male privrede iz Poglavlja I ovog Javnog poziva, odnosno prema definiciji subjekata male privrede iz Zakona,
- 3) ako ima kvalitetnu poslovnu ideju koja je kroz proces cjelovitog planiranja razvijena u perspektivan poslovni model predložen u formi biznis plana,
- 4) ako je izradio biznis plan koji obavezno uključuje ukupna sredstva za realizaciju ovog biznis plana, kao i obezbijedena sopstvena sredstva i/ili kreditna sredstva i poticajna grant sredstva za realizaciju biznis plana,
- 5) ako u biznis planu nije predvidio korištenje poticajnih grant sredstava za neprihvatljive troškove iz Poglavlja V ovog Javnog poziva,
- 6) ako do dana podnošenja prijave, po istom osnovu nije koristio poticajna grant sredstva iz drugih izvora,
- 7) ako je spreman registrovati pravno lice - društvo sa ograničenom odgovornošću, sa sjedištem na području Kantona Sarajevo u kojem ima većinski udio ukoliko bude odabran kao korisnik sredstava po ovom Javnom pozivu,
- 8) ako je spreman obezbijediti da pravno lice iz tačke 7) ovog Poglavlja dostavi bezuslovnu i na prvi poziv naplativu garanciju za dobro izvršenje ugovora o dodjeli poticajnih sredstava po osnovu ovog Javnog poziva u visini iznosa odobrenih sredstava koji je uvećan za ugovorne kazne i pripadajuće zakonske zatezne kamate i to prije zaključenja ovog ugovora (Troškovi obezbjeđenja bankovne garancije padaju na teret korisnika sredstava, a trošak obezbjeđenja bankovne garancije je prihvatljiv trošak u dijelu vlastitog učešća korisnika sredstava),
- 9) ako posjeduje pisani dokaz izdat od strane banke o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana iz tačke 4) ovog Poglavlja,
- 10) ako je spreman obezbijediti novčani ulog u osnovnom kapitalu pravnog lica iz tačke 7) ovog Poglavlja u iznosu minimalno 40% od ukupnog traženog iznosa poticajnih grant sredstava po ovom Javnom pozivu i ako je spreman minimalno ovaj iznos utrošiti za realizaciju biznis plana iz tačke 4) ovog Poglavlja,
- 11) ako njegova poslovna ideja (uobličena i razvijena u biznis planu) jeste aktivnost koja se može identificirati i registrovati kao osnovna djelatnost poslovnog subjekta prema klasifikaciji djelatnosti KD BiH 2010 ("Službeni glasnik BiH", broj 47/10) iz Tabele 1. Poglavlja II ovog Javnog poziva, osim djelatnosti koje podliježu restrikciji u smislu člana 3. Zakona o stranim ulaganjima Federacije BiH ("Službene novine Federacije BiH". br. 61/01, 50/03 i 77/15),
- 12) ako je dostavio prijavu u skladu sa ovim Javnim pozivom,
- 13) ako ispunjava sve ostale uslove iz ovog Javnog poziva i



- 14) ako je primjenom kriterija za odabir korisnika sredstava iz Poglavlja X ovog Javnog poziva i limita ukupno planiranih sredstava iz Poglavlja IV ovog Javnog poziva odabran kao korisnik sredstava.

Za podnosioca prijave – stranog ulagača ovaj Javni poziv provodi se u dvije faze i to, kako slijedi:

VI.1 I faza provođenja Javnog poziva

U I fazi provođenja ovog Javnog poziva podnosilac prijave - strani ulagač, prilikom apliciranja na Javni poziv obavezan je dostaviti:

- 1) **Prijavni obrazac, u originalu**, uredno popunjen na jednom od jezika u službenoj upotrebi u BiH, ovjeren potpisom ovlaštenog lica podnosioca prijave i pečatom podnosioca prijave ako po zakonu države u kojoj je sjedište podnosioca prijave podnosilac prijave ima pečat, a ako po zakonu države u kojoj je sjedište podnosioca prijave podnosilac prijave nema obavezu da ima pečat dostavlja dokaz da nema tu obavezu.
- 2) **Isprave i dokumentaciju**, kako slijedi:
 - a) Aktuelni izvod iz registra društava za strano pravno lice - podnosioca prijave, ne stariji od 90 dana od dana objave Obavještenja o Javnom pozivu u "Službenim novinama Kantona Sarajevo" i nadovjeren Apostille pečatom (original),
 - b) Prijevod izvoda iz podtačke a) ove tačke na jedan od jezika u službenoj upotrebi u BiH, ovjeren od strane ovlaštenog sudskog tumača za taj jezik i dodatno ovjeren Apostille pečatom, a ako službeni prijevod ovjerava ovlašteni sudski tumač na teritoriji BiH nije potrebna nadovjera Apostille pečatom (original),
 - c) Biznis plan, ovjeren od strane podnosioca prijave kako je to propisano u tački 1) ovog Poglavlja, sačinjen na jednom od jezika u službenoj upotrebi u BiH, koji je u skladu sa ekonomskim standardima i sa sadržajem iz Poglavlja X Tabele 2. ovog Javnog poziva (original);
 - d) Pisani dokaz izdat od strane banke podnositelja prijave o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana iz Poglavlja VI tačke 4) ovog Javnog poziva ne stariji od 30 dana od dana objave Obavještenja o Javnom pozivu u "Službenim novinama Kantona Sarajevo" (original),
 - e) Prijevod pisanog dokaza iz podtačke d) ove tačke na jedan od jezika u službenoj upotrebi u BiH, ovjeren od strane ovlaštenog sudskog tumača za taj jezik (original),
 - f) Izjavu podnosioca prijave u originalu (Prilog 1. Javnog poziva), sačinjenu na jednom od jezika u službenoj upotrebi u BiH i ovjerenu od strane podnosioca prijave kako je to propisano u tački 1) ovog Poglavlja, kojom podnosilac prijave pod punom moralnom, materijalnom i krivičnom odgovornošću potvrđuje:
 - i. da nema registrovano poslovanje u Bosni i Hercegovini,
 - ii. da se protiv podnosioca prijave ne vodi krivični postupak i da nije pravosnažno osuđen za počinjenje krivičnog djela i/ili privredni prijestup,
 - iii. da posluje minimalno dvije godine do dana 31.12.2025. godine,
 - iv. da nema dospjelih, a neizmirenih obaveza po osnovu poreza, doprinosa i drugih javnih davanja u skladu sa propisima države u kojoj je registrovan,
 - v. da nad podnosiocem prijave nije otvoren stečajni, likvidacioni ili drugi odgovarajući postupak u skladu sa propisima države registracije,
 - vi. da ispunjava uslove za svrstavanje u kategoriju subjekata male privrede prema definiciji subjekata male privrede iz Zakona o poticaju razvoja male privrede ("Službene novine Kantona Sarajevo", broj 29/15),
 - vii. da do dana podnošenja prijave, po istom osnovu nije koristio poticajna grant sredstva iz drugih izvora,

- viii. da je spreman registrovati pravno lice sa sjedištem na području Kantona Sarajevo u kojem ima većinski udio ukoliko bude odabran kao korisnik sredstava po ovom Javnom pozivu,
- ix. da je spreman obezbijediti da pravno lice iz Poglavlja VI.1 tačke 2) podtačke f) pod viii. ovog Javnog poziva dostavi bezuslovnu i na prvi poziv naplativu garanciju za dobro izvršenje ugovora u visini iznosa odobrenih sredstava koji je uvećan za ugovorne kazne i pripadajuće zakonske zatezne kamate i to prije zaključenja ugovora o dodjeli poticajnih sredstava po ovom Javnom pozivu,
- x. da je spreman obezbijediti novčani ulog u osnovnom kapitalu pravnog lica iz Poglavlja VI tačke 10) ovog Javnog poziva u iznosu minimalno 40% od ukupnog traženog iznosa poticajnih grant sredstava po ovom Javnom pozivu i da je spreman minimalno ovaj iznos utrošiti za realizaciju biznis plana iz Poglavlja VI tačke 4) ovog Javnog poziva,
- xi. da su podaci i dokumentacija koju je dostavio po ovom Javnom pozivu istiniti,
- xii. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo i
- xiii. da je saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje lični identitet lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 12/25).

Napomena 1: Podnosilac prijave, čije je sjedište na teritoriji jedne od država potpisnica Konvencije o ukidanju potrebe legalizacije stranih javnih isprava iz 1961. godine (u daljnjem tekstu: Haška konvencija), nadovjeru dokumenata iz tačke 2) podtačaka a) i b) ovog Poglavlja vrši sa Apostille pečatom, a podnosilac prijave čije je sjedište na teritoriji jedne od država koja nije potpisnica Haške konvencije vrši punu (redovnu) legalizaciju ovih dokumenata. Podnosilac prijave čije je sjedište na teritoriji jedne od država sa kojima BiH ima zaključen bilateralni sporazum o priznavanju javnih isprava bez legalizacije ne vrši dodatnu nadovjeru predmetnih dokumenata.

Napomena 2: Podnosilac prijave čije je sjedište na teritoriji jedne od država u kojoj je službeni jezik u upotrebi jedan od službenih jezika u BiH, ne mora vršiti službeni prijevod iz tačke 2) podtačaka b) i e) ovog Poglavlja, već dostavlja original ili ovjerenu fotokopiju ovih dokumenata.

VI.2 II faza provođenja Javnog poziva

U II fazi provođenja ovog Javnog poziva, novoosnovano pravno lice sa većinskim udjelom podnosioca prijave odabranog odlukom Vlade Kantona Sarajevo (u daljnjem tekstu: novoosnovano pravno lice), prije zaključivanja ugovora o dodjeli poticajnih sredstava obavezno je dostaviti:

1) Isprave i drugu dokumentaciju novoosnovanog pravnog lica, kako slijedi:

- a) Aktuelni izvod iz sudskog registra za subjekt upisa, izdat od Općinskog suda u Sarajevu u kojem je evidentiran većinski udio u kapitalu odabranog podnosioca prijave i minimalni novčani iznos ovog udjela od 40% traženih poticajnih grant sredstava po ovom Javnom pozivu (original ili fotokopija ovjerena od nadležnog organa - općina/notar);
- b) Potvrda banke o realizovanom nalogu u kojoj je evidentirana uplata minimalnog iznosa iz podtačke a) ove tačke (original);
- c) Uvjerenje o poreskoj registraciji - identifikacijski broj (ID broj) izdato od Porezne uprave Federacije BiH (original ili fotokopija ovjerena od nadležnog organa - općina/notar);
- d) Uvjerenje Općinskog suda u Sarajevu kojim podnosilac prijave (pravno lice/poslovni subjekt) dokazuje da pred sudovima na području Bosne i Hercegovine nije podignuta optužnica protiv njega koja je stupila na pravnu snagu, odnosno da nije potvrđena



- optužnica, a niti je izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom (original ili fotokopija ovjerena od nadležnog organa - općina/notar);
- e) Obavještenje o razvrstavanju novoosnovanog pravnog lica prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (original ili fotokopija ovjerena od nadležnog organa - općina/notar);
- f) Lista osiguranih lica za obveznika – novoosnovano pravno lice, izdata od strane Porezne uprave Federacije BiH ne starija od 30 dana od dana dostavljanja, na kojoj mora biti evidentirano minimalno dva uposlenika (original ili fotokopija ovjerena od nadležnog organa - općina/notar);
- g) Ugovor ili potvrda banke o otvorenom glavnom bankovnom računu na ime novoosnovanog pravnog lica (original ili fotokopija ovjerena od nadležnog organa - općina/notar);
- h) Bezuslovnu i na prvi poziv naplativu bankarsku garanciju za dobro izvršenje ugovora, u iznosu odobrenih poticajnih sredstava uvećanom za ugovorne kazne i zakonske zatezne kamate, pri čemu se iznos i rok važenja garancije utvrđuju odlukom o dodjeli sredstava po ovom Javnom pozivu (original);
- i) Izjavu ovlaštenog lica novoosnovanog pravnog lica, u originalu (Prilog 2. Javnog poziva), sačinjenu na jednom od jezika u službenoj upotrebi u BiH, ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
- i. da će novoosnovano pravno lice u kojem je ovlašteno lice namjenski utrošiti sredstva koja mu budu dodijeljena po ovom Javnom pozivu,
 - ii. da podnosilac prijave po ovom Javnom pozivu i novoosnovano pravno lice u kojem je ovlašteno lice za predmet poticaja za koji je podnesena prijava po ovom Javnom pozivu nije primio poticajna grant sredstva putem drugih programa finansiranja/sufinansiranja,
 - iii. da će novoosnovani poslovni subjekt sufinansirati realizaciju biznis plana dostavljenog po ovom Javnom pozivu u minimalnom iznosu od 40% traženih poticajnih grant sredstava po ovom Javnom pozivu,
 - iv. da su podaci i dokumentacija koju je novoosnovano pravno lice dostavilo po ovom Javnom pozivu istiniti,
 - v. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 12/25) i
 - vi. da podnosilac prijave i/ili odgovorno lice u podnosiocu prijave i/ili vlasnik/osnivač podnosioca prijave nije u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva.

Posebne napomene:

- Podnosilac prijave odabran odlukom Vlade Kantona Sarajevo prije zaključenja ugovora o dodjeli poticajnih sredstava ima obavezu da registruje novoosnovano pravno lice, odnosno društvo sa ograničenom odgovornošću u kojem ima većinski udio i da dostavi cjelokupnu dokumentaciju iz Poglavlja VI.2 ovog Javnog poziva Ministarstvu privrede Kantona



Sarajevo. Ugovorom o dodjeli poticajnih sredstava definisat će se svi detalji i pravila korištenja predmetnih poticajnih sredstava (prava i obaveze ugovornih strana).

- Korisnik sredstava - novoosnovano pravno lice ima obavezu da posluje minimalno dvije godine, počev od dana njegove registracije, a u tom periodu mu nije dozvoljeno otuđenje i prodaja osnovnih sredstava finansiranih poticajnim sredstvima dodijeljenim po ovom Javnom pozivu.
- Krajnji rok za zaključivanje ugovora sa novoosnovanim pravnim licem (korisnikom sredstava), koji Ministarstvu privrede Kantona Sarajevo dostavi dokumentaciju iz Poglavlja VI.2 ovog Javnog poziva do dana 30.11.2026. godine je 31.12.2026. godine.
- Shodno članu 8. stav (3) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/25), dokumentacija dostavljena po Javnom pozivu ne vraća se podnosiocu prijave.
- Ukoliko se naknadno utvrdi da su tvrdnje u izjavi iz Poglavlja VI.1 tačka f) i Poglavlja VI.2 tačka i) neistinite, kao i da je druga dokumentacija podnosioca prijave i novoosnovanog pravnog lica propisana ovim Javnim pozivom neistinita, prijava se neće uzeti u razmatranje, a ukoliko se ove činjenice utvrde nakon dodjele poticajnih sredstava, novoosnovano pravno lice kojem budu dodijeljena sredstva dužno je izvršiti povrat ovih sredstava sa pripadajućim zakonskim zateznim kamatama.

VII PRAVILA UČEŠĆA ZA REGISTROVANE SUBJEKTE MALE PRIVREDE

Pravo učešća u postupku dodjele poticajnih sredstava po ovom Javnom pozivu ima registrovani subjekt male privrede:

- 1) ako ima sjedište na području Kantona Sarajevo;
- 2) ako je registrovan u periodu od 01.01.2026. godine do dana dostavljanja prijave na ovaj Javni poziv;
- 3) ako je u većinskom vlasništvu stranog ulagača - pravnog lica koje:
 - a) posluje minimalno dvije godine do dana 31.12.2025. godine,
 - b) ispunjava uslove za svrstavanje u kategoriju subjekata male privrede prema definiciji subjekata male privrede iz Poglavlja I ovog Javnog poziva, odnosno prema definiciji subjekata male privrede iz Zakona,
 - c) je obezbijedilo novčani ulog u osnovnom kapitalu pravnog lica - podnosioca prijave u iznosu minimalno 40% od ukupnog traženog iznosa poticajnih grant sredstava po ovom Javnom pozivu;
- 4) ako je spreman obezbijediti безусловnu i na prvi poziv naplativu garanciju za dobro izvršenje ugovora o dodjeli poticajnih sredstava po ovom Javnom pozivu u visini iznosa odobrenih sredstava koji je uvećan za ugovorne kazne i pripadajuće zakonske zatezne kamate i to prije zaključenja ovog ugovora (Troškovi obezbjeđenja bankovne garancije padaju na teret korisnika sredstava, a trošak obezbjeđenja bankovne garancije je prihvatljiv trošak u dijelu vlastitog učešća korisnika sredstava),
- 5) ako je spreman iznos od minimalno 40% od ukupnog traženog iznosa poticajnih grant sredstava po ovom Javnom pozivu utrošiti za realizaciju biznis plana iz tačke 8) ovog Poglavlja,
- 6) ako ima najmanje dva zaposlenika zaposlena na puno radno vrijeme;
- 7) ako ima kvalitetnu poslovnu ideju koja je kroz proces cjelovitog planiranja razvijena u perspektivan poslovni model predložen u formi biznis plana;
- 8) ako je izadio biznis plan u skladu sa ekonomskim standardima, koji obavezno uključuje ukupna sredstva za realizaciju ovog biznis plana, kao i obezbijedena sopstvena sredstva i/ili kreditna sredstva i poticajna grant sredstva za realizaciju biznis plana;
- 9) ako u biznis planu iz tačke 8) ovog Poglavlja nije predvidio korištenje poticajnih finansijskih sredstava za neprihvatljive troškove iz Poglavlja V ovog Javnog poziva;



- 10) ako do dana podnošenja prijave, po istom osnovu nije koristio poticajna sredstva iz drugih izvora;
- 11) ako njegova poslovna ideja (uobličena i razvijena u biznis planu) jeste aktivnost koja se može identificirati i registrovati kao osnovna djelatnost poslovnog subjekta prema klasifikaciji djelatnosti KD BiH 2010 ("Službeni glasnik BiH", broj 47/10) iz Poglavlja II Tabele 1. ovog Javnog poziva,
- 12) ako je registrovan za obavljanje osnovne djelatnosti iz Poglavlja II ovog Javnog poziva,
- 13) ako je dostavio prijavu u skladu sa ovim Javnim pozivom,
- 14) ako ispunjava sve ostale uslove iz ovog Javnog poziva i
- 15) ako je primjenom kriterija za odabir korisnika sredstava iz Poglavlja X Tabela 3. ovog Javnog poziva i limita iz Poglavlja IV ovog Javnog poziva odabran kao korisnik sredstava.

Za podnosioca prijave - subjekt male privrede ovaj Javni poziv provodi se u dvije faze i to, kako slijedi:

VII.1 I faza provođenja Javnog poziva

U I fazi provođenja ovog Javnog poziva podnosilac prijave (već registrovano pravno lice) prilikom apliciranja na Javni poziv obavezan je dostaviti:

- 1) Prijavni obrazac, u potpunosti popunjen, potpisan od ovlaštenog lica i ovjeren pečatom podnosioca prijave;
- 2) **Isprave i dokumentaciju**, kako slijedi:
 - a) Aktuelni izvod iz sudskog registra za subjekt upisa – podnosioca prijave, ne stariji od 90 dana od dana objave Obavještenja o Javnom pozivu u "Službenim novinama Kantona Sarajevo" izdat od Općinskog suda u Sarajevu u kojem je evidentiran većinski udio u kapitalu stranog ulagača iz podtačke c) ove tačke i minimalni novčani iznos ovog udjela od 40% traženih poticajnih grant sredstava po ovom Javnom pozivu (original ili fotokopija ovjerena od nadležnog organa - općina/notar);
 - b) Potvrdu banke o realizovanom nalogu u kojoj je evidentirano da je strani ulagač iz podtačke c) ove tačke izvršio uplatu minimalnog iznosa iz podtačke a) ove tačke (original);
 - c) Aktuelni izvod iz registra društava za stranog ulagača - pravno lice koje je većinski vlasnik podnosica prijave, ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" i nadovjeren Apostille pečatom (original);
 - d) Prijevod izvoda iz podtačke c) ove tačke na jedan od jezika u službenoj upotrebi u BiH, ovjeren od strane ovlaštenog sudskog tumača za taj jezik i dodatno ovjeren i nadovjeren Apostille pečatom, a ako službeni prijevod ovjerava ovlašteni sudski tumač na teritoriji BiH nije potrebna nadovjera Apostille pečatom (original);
 - e) Pisani dokaz izdat od strane banke podnosioca prijave o načinu/statusu obezbjeđenja vlastitih i/ili kreditnih sredstava potrebnih za realizaciju biznis plana iz Poglavlja VII tačke 8) ovog Javnog poziva ne stariji od 30 dana od dana objave Obavještenja o Javnom pozivu u "Službenim novinama Kantona Sarajevo" (original);
 - j) Uvjerenje Općinskog suda u Sarajevu kojim podnosilac prijave (pravno lice/poslovni subjekt) dokazuje da pred sudovima na području Bosne i Hercegovine nije podignuta optužnica protiv njega koja je stupila na pravnu snagu, odnosno da nije potvrđena optužnica, a niti je izrečena osuđujuća presuda za krivično djelo sa propisanom kaznom zatvora do pet godina ili novčanom kaznom kao glavnom kaznom (original ili fotokopija ovjerena od nadležnog organa - općina/notar);
 - f) Uvjerenje kojim se potvrđuje da podnosilac prijave nije pod stečajem niti je predmet stečajnog postupka, da nije predmet postupka likvidacije ne starije od 30 dana od dana



- objave Obavještenja o Javnom pozivu u "Službenim novinama Kantona Sarajevo", izdato od Općinskog suda u Sarajevu (original ili fotokopija ovjerena od nadležnog organa - općina/notar);
- g) Uvjerenje o registraciji poreznog obveznika (podnosioca prijave), izdato od strane Porezne uprave Federacije BiH - Kantonalni porezni ured Sarajevo (original ili fotokopija ovjerena od nadležnog organa - općina/notar);
 - h) Uvjerenje o registraciji obveznika poreza na dodanu vrijednost izdato od Uprave za indirektno/neizravno oporezivanje BiH ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza, ne starije od 90 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - i) Obavještenje o razvrstavanju podnosioca prijave prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (original ili fotokopija ovjerena od nadležnog organa - općina/notar);
 - j) Uvjerenje Porezne uprave Federacije BiH o izmirenim obavezama po osnovu poreza i doprinosa sa obavezanim prilogom - Lista osiguranika za obveznika ne starije od 30 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - k) Uvjerenje Uprave za indirektno/neizravno oporezivanje BiH o izmirenim indirektnim porezima ne starije od 30 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar), izuzev ako je podnosilac prijave dostavio uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza iz podtačke h) ove tačke;
 - l) Biznis plan, ovjeren potpisom ovlaštenog lica i pečatom podnosioca prijave, sačinjen u skladu sa ekonomskim standardima i sa sadržajem iz Poglavlja X Tabele 2. ovog Javnog poziva (original);
 - m) Ugovor ili potvrdu banke o otvorenom bankovnom računu na ime podnosioca prijave (original ili fotokopija ovjerena od nadležnog organa - općina/notar);
 - n) Izjavu ovlaštenog lica podnosioca prijave, u originalu (Prilog 3. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
 - i. da do dana podnošenja prijave na ovaj Javni poziv podnosilac prijave u kojem je ovlašteno lice, kao ni većinski vlasnik/osnivač podnosioca prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora,
 - ii. da je spreman obezbijediti безусловnu i na prvi poziv naplativu garanciju za dobro izvršenje ugovora o dodjeli poticajnih sredstava po ovom Javnom pozivu u visini iznosa odobrenih sredstava koji je uvećan za ugovorne kazne i pripadajuće zakonske zatezne kamate i to prije zaključenja ovog ugovora,

- iii. da je i/ili da će osigurati vlastita sredstva/učešće u vrijednosti od 40% od ukupnog traženog iznosa poticajnih grant sredstava po ovom Javnom pozivu za realizaciju aktivnosti iz biznisa plana koji je dostavljen u prijavi na ovaj Javni poziv;
- iv. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo,
- v. da je saglasan da Ministarstvo privrede Kantona Sarajevo može obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", broj 12/25),
- vi. da podnosilac prijave i/ili odgovorno lice u podnosiocu prijave i/ili vlasnik/osnivač podnosioca prijave nije u sukobu interesa u smislu Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22 i 55/22) u slučaju zaključivanja ugovora o dodjeli poticajnih sredstava na osnovu ovog Javnog poziva.

Napomena 1: Podnosilac prijave kojem je većinski vlasnik pravno lice čije je sjedište na teritoriji jedne od država potpisnica Konvencije o ukidanju potrebe legalizacije stranih javnih isprava iz 1961. godine (u daljnjem tekstu: Haška konvencija), nadovjeru dokumenata iz tačke 2) podtačaka c) i d) ovog Poglavlja vrši sa Apostille pečatom, a podnosilac prijave kojem je većinski vlasnik pravno lice sa sjedištem na teritoriji jedne od država koja nije potpisnica Haške konvencije vrši punu (redovnu) legalizaciju ovih dokumenata. Podnosilac prijave čiji je vlasnik pravno lice sa sjedištem na teritoriji jedne od država sa kojima BiH ima zaključen bilateralni sporazum o priznavanju javnih isprava bez legalizacije ne vrši dodatnu nadovjeru predmetnih dokumenata.

Napomena 2: Podnosilac prijave kojem je većinski vlasnik pravno lice čije je sjedište na teritoriji jedne od država u kojoj je službeni jezik u upotrebi jedan od službenih jezika u BiH, ne mora vršiti službeni prijevod dokumenata iz tačke 2) podtačaka c) i d) ovog Poglavlja, već dostavlja original ili ovjerenu fotokopiju ovih dokumenata.

VII.2 II faza provođenja Javnog poziva

U II fazi provođenja ovog Javnog poziva, podnosilac prijave (registrovano pravno lice) odabran odlukom Vlade Kantona Sarajevo, prije zaključivanja ugovora o dodjeli poticajnih sredstava obavezan je dostaviti:

1) Isprave i drugu dokumentaciju, kako slijedi:

- a) Izjavu ovlaštenog lica odabranog podnosioca prijave, u originalu (Prilog 4. Javnog poziva), ovjerenu potpisom ovlaštenog lica, te dodatno ovjerenu od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje da do dana zaključivanja ugovora o dodjeli poticajnih sredstava po ovom Javnom pozivu odabrani podnosilac prijave u kojem je ovlašteno lice, kao ni većinski vlasnik/osnivač odabranog podnosioca prijave nisu koristili poticajna sredstva koja potiču iz Budžeta Kantona Sarajevo i/ili budžeta jedinica lokalnih samouprava, Javne ustanove "Služba za zapošljavanje Kantona Sarajevo", Sarajevo, Federalnog zavoda za zapošljavanje ili donatorskih organizacija za iste aktivnosti iz biznis plana odabranog podnosioca prijave, odnosno da nisu zaključili ugovor o dodjeli grant sredstava koja potiču iz prednje navedenih izvora i
- b) Bezuslovnu i na prvi poziv naplativu bankarsku garanciju za dobro izvršenje ugovora, u iznosu odobrenih poticajnih sredstava uvećanom za ugovorne kazne i zakonske zatezne kamate, pri čemu se iznos i rok važenja garancije utvrđuju odlukom o dodjeli sredstava po ovom Javnom pozivu (original).

Posebne napomene:

- Podnosilac prijave (subjekt male privrede) odabran odlukom Vlade Kantona Sarajevo prije zaključenja ugovora o dodjeli poticajnih sredstava ima obavezu da dostavi cjelokupnu dokumentaciju iz Poglavlja VII.2 ovog Javnog poziva Ministarstvu privrede Kantona Sarajevo. Ugovorom o dodjeli poticajnih sredstava definisat će se svi detalji i pravila korištenja predmetnih poticajnih sredstava (prava i obaveze ugovornih strana).
- Korisnik sredstava ima obavezu da posluje minimalno dvije godine, počev od dana uplate poticajnih sredstava, a u tom periodu mu nije dozvoljeno otuđenje osnovnih sredstava finansiranih poticajnim sredstvima dodijeljenim po ovom Javnom pozivu.
- Krajnji rok za zaključivanje ugovora sa odabranim podnosiocem prijave (subjektom male privrede) koji Ministarstvu privrede Kantona Sarajevo dostavi dokumentaciju iz Poglavlja VII.2 ovog Javnog poziva do dana 30.11.2026. godine je 31.12.2026. godine.
- Shodno članu 8. stav (3) Pravilnika o postupcima u provođenju programa razvoja male privrede ("Službene novine Kantona Sarajevo", broj 17/25), dokumentacija dostavljena po Javnom pozivu ne vraća se podnosiocu prijave.
- Ukoliko se naknadno utvrdi da su tvrdnje u izjavi iz Poglavlja VII.1, tačka 2), podtačka n) i Poglavlja VII.2, tačka 1), podtačka a) neistinite, kao i da je druga dokumentacija podnosioca prijave propisana ovim Javnim pozivom neistinita, prijava se neće uzeti u razmatranje, a ukoliko se ove činjenice utvrde nakon dodjele poticajnih sredstava, pravno lice kojem budu dodijeljena sredstva dužno je izvršiti povrat ovih sredstava sa pripadajućim zakonskim zateznim kamatama.

VIII ROK ZA PODNOŠENJE PRIJAVA

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 28.05.2026. godine. Javni poziv, prijavni obrazac, i pripadajući prilozi objavljeni su na web stranici Ministarstva privrede Kantona Sarajevo: <http://mp.ks.gov.ba/>.

IX MJESTO I NAČIN PODNOŠENJA PRIJAVA

Prijava se podnosi u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za dostavljanje prijave po programu: Poticaj direktnih stranih ulaganja - Podrška za osnivanje pravnog lica čiji je osnivač strani ulagač" što mora biti navedeno na prednjoj strani koverta. Na poledini koverta obavezno je navesti sljedeće: puni naziv podnosioca prijave, ID broj podnosioca prijave, adresa sjedišta, e-mail adresa i kontakt telefon, te ovjeriti pečatom.

Osim za program "Obezbjedenje kreditiranja pod povoljnijim uslovima" iz Godišnjeg plana, po kojem se izbor krajnjih korisnika poticajnih kreditnih sredstava obavlja u skladu sa javnim pozivom koji objavljuje odabrana banka, subjekt male privrede može podnijeti samo jednu prijavu po samo jednom pojedinom programu dodjele poticajnih sredstava iz Godišnjeg plana. U slučaju da je subjekt podnio dvije prijave po odnosnim programima iz Godišnjeg plana, njegove prijave bit će odbačene odnosno bit će isključen iz postupka dodjele sredstava.

X KRITERIJI ZA IZBOR KORISNIKA

1) Na podnosioca prijave koji u I fazi zadovolji sve uslove ovog Javnog poziva bit će primijenjeni kriteriji za rangiranje - ocjena kvaliteta i tržišnog potencijala dostavljenog biznis plana iz Tabele 3. ovog Javnog poziva. Maksimalan broj bodova za ocjenu kvaliteta i tržišnog potencijala biznis plana je 70 bodova. Podnosilac prijave koji ostvari manje od 35 bodova prilikom evaluacije biznis plana ne može ući u dalju proceduru dodjele sredstava po ovom Javnom pozivu.



Za ocjenu kvaliteta i tržišnog potencijala biznis plana podnosioca prijave koristit će se kriteriji prikazani u Tabeli 3. ovog Javnog poziva.

Tabela 2. Minimalni sadržaj biznis plana podnosioca prijave

Minimalni sadržaj biznis plana	
Redni broj	Obavezno poglavlje
1	Podaci o osnivaču
2	Kratak opis poslovne ideje
3	Opis proizvoda/usluge
4	Poređenje proizvoda/usluge sa proizvodom/uslugom konkurencije
5	Cijena proizvoda/usluge
6	Ciljano tržište
7	Konkurencija
8	Kratak plan marketinga i prodaje
9	Naziv, lokacija, planirani oblik organizacije (d.o.o.)
10	Podaci o ulozi osnivača u poslovnom subjektu
11	Ljudski resursi
12	Podaci o menadžmentu
13	Proizvodni proces
14	Podaci o dobavljačima i potrebnim uslugama
15	Rizici i načini smanjenja rizika
16	SWOT analiza (analiza snaga, slabosti, prilika i prijetnji)
17	Plan početnih ulaganja (sopstveno učešće, potreban iznos poticajnih sredstava koja se traže od Ministarstva privrede Kantona Sarajevo po ovom Javnom pozivu, ukupan iznos sredstava početnih ulaganja – budžet projekta)
18	Narativni opis plana finansiranja poslovnog subjekta (podrazumijeva opis aktivnosti koje se finansiraju sopstvenim učešćem i opis aktivnosti koje će se finansirati iz traženog iznosa poticajnih sredstava)
19	Finansijske projekcije za prve tri godine poslovanja (broj zaposlenih, bruto prihodi, bruto rashodi, fiksni troškovi, varijabilni troškovi, poslovni prihodi i poslovni rashodi, poslovni dobitak/gubitak, neto dobit, učešće proizvoda/usluge u bruto prihodima za godinu)

Tabela 3. Kriteriji za ocjenu kvaliteta i tržišnog potencijala biznis plana podnosioca prijave

I Kriteriji za ocjenjivanje kvaliteta biznis plana	
Naziv kriterija	Broj bodova
Istraživanje tržišta	0-7



Marketing plan	0-5
Plan pružanja usluga/proizvodnje	0-11
Plan organizacije i menadžmenta	0-5
Finansijski plan	0-7
II Kriteriji za ocjenjivanje doprinosa biznis plana lokalnoj ekonomiji	
Naziv kriterija	Broj bodova
Inovativnost	0-7
Ocjena održivosti	0-19
Mogućnost kreiranja novih radnih mjesta	2 radna mjesta - 1 bod
	3 i više radnih mjesta - 3 boda
Mogućnost izvoza	0-2
Mogućnost upošljavanja lokalnih dobavljača	0-4
Maksimalan broj bodova	70 bodova

2) Prijava će se bodovati i po kriteriju ukupnog iznosa sufinansiranja realizacije biznis plana, a najveća vrijednost po ovom kriteriju iskazana u konvertibilnim markama bit će ocijenjena sa 30 bodova.

3) Za podnosioca prijave koji ponudi vrijednost sufinansiranja manju od najveće vrijednosti iz tačke 2) ovog Poglavlja, bodovanje će se vršiti na sljedeći način: (Ukupna vrijednost iznosa sufinansiranja biznis plana / Najveća vrijednost iznosa sufinansiranja biznis plana) x 30 bodova.

4) Na osnovu kriterija iz tačaka 1) i 2) ovog Poglavlja podnosilac prijave može ostvariti maksimalno 100 bodova.

5) Po ovom Javnom pozivu može biti odabran broj korisnika do iskorištenja limita iz Poglavlja IV ovog Javnog poziva.

XI OSTALE ODREDBE

Sa odabranim korisnicima Ministarstvo privrede Kantona Sarajevo zaključuje ugovor o dodjeli poticajnih sredstava, nakon čega se sredstva doznachavaju na dostavljene račune korisnika. U skladu sa ugovorom korisnik poticajnih sredstava ima obavezu da po izvršenoj dodjeli sredstava u roku od šest mjeseci po izvršenoj doznaci sredstava na račune korisnika, dostavi dokaze o utrošenim sredstvima za koje su odobrena sredstva po prihvaćenom biznis planu, odnosno ugovore i/ili račune uz fiskalni račun (ukoliko postoji zakonska obaveza izdavanja fiskalnog računa) kojima se dokazuje namjensko korištenje sredstava i dokaze o plaćanju dostavljenih računa (izvod iz banke ili potvrda banke o realizovanom nalogu za plaćanje), te fotodokumentaciju mašina, postrojenja i opreme koja je nabavljena. Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ugovora o dodjeli poticajnih sredstava, uvidom u dokumentaciju u vlastitim prostorijama i kod korisnika sredstava, a u slučaju potrebe i uvidom u podatke pribavljene službenim putem od strane relevantnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnova sumnje da postoji krivična odgovornost određenog lica, u njegovom postupanju prije i nakon zaključenja ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica. Podnosilac prijave po ovom Javnom pozivu, u cilju zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga korisnika poticajnih sredstava. Po ovom prigovoru riješava Ministarstvo privrede Kantona



Sarajevo, najkasnije u roku od 30 radnih dana. Ovaj Javni poziv objavljen je na bosanskom jeziku, a objavljeni su i službeni prijevodi ovog Javnog poziva na engleskom i njemačkom jeziku. U slučaju eventualnog odstupanja između Javnog poziva objavljenog na bosanskom jeziku i službenih prijevoda ovog Javnog poziva na engleskom i njemačkom jeziku, primjenjivat će se Javni poziv na bosanskom jeziku.

Napomena: Zahtjev za dodatne informacije po određenim pitanjima iz ovog Javnog poziva se može podnijeti putem telefona: **033/258-132 i 033/258-135**, svakim radnom danom u periodu od 14:00 do 16:00 sati.



MINISTAR

Zlatko Mijatović

Dostavljeno:

1. Za prijevod kod ovlaštenog sudskog tumača (x2),
2. Evidenciji i
3. a/a.

